

թիւն ստանալ։ Տեսեալ Հայոց եւ բարեոք իմացեալ թէ սա եւս կալաւ զճանապարհ նախորդին իւրոյ, ասեն յայտնապէս, կամ անթերի կատարեալ զգործն, կամ առւր ստատասխանի, զի գրեացուք առ որ հարկն է։

Եւ նա ասէ՝ կատարեմ զհրաման Արքայի, բայց զոր ինչ գրեալ է զայն առնեմ. տամ զբանալիս Մենդեան եւ Աստուածածնի, բայց կանթեղ, պատկեր կախել եւ կատարել զօրէնս ոչ հրամայեմ. ասեն Հայք՝ նախորդն քո վասն այդոցիկ բանից գնաց յաքսորս, եթէ 'ի նոյն չէր մարթ կատարել զօրէնս մեր, ընդէ՞ր աշխատ արարաք զՏէրութիւնն զամս և 'ի լեւել զգատաստանս երկուց ազգաց, եւ վասն է՞ր Զնջեալ հրովարտակն ՎԿԷ։ Աստ 'ի մէջ բերին զիմաստ հրովարտակին մի առ մի, եւ եթէ 'ի հրովարտակին Հայոց պատարագ պատկեր եւ կանթեղ չեն գրեալ, նոյնպէս եւ 'ի Յունացն, եւ եթէ Յոյնք ունէին զայնս, Հայք եւս ունէին, բայց ժամանակ առ ժամանակ յաղթահարեալ զնոսա ատելութեամբ եւ մախանօք՝ բարձին զայն, այլ այն ամենայն էանց, այժմ ամենայն ինչ հաւասար Յունաց պարտ է լինիլ. աստ բացատրեն զմասն 'ի բառից հրովարտակին, ըստ օրինաց իւրեանց կատարել զծէսս եւ չլինիլ խափան իրերաց. թէպէտեւ Դատաւորն երկնչիլ ձեւանայր 'ի սրոյ Թագաւորին, եւ առաջի աջաց ունէր զգատապարտութիւն նախորդին իւրոյ, բայց սիրտ նորս յարեալ էր 'ի գանձս Յունաց, նմին իրի իրաւախոհ բառն կրկնէր միշտ։

Յոյնք խնդրէին երկամեայ միջոց ժամանակի բերել հրովարտակ արքունուստ առ 'ի խափանել զխնդիրն Հայոց. սակայն միտք նոցա էր սպասել դարձի կուսակալին յուխտազնացութենէ իւրմէ։ Ասլա կոչեալ Դատաւորին առանձին զՅոյնս ասէր՝ Հայք ըստ հրամանի Արքային ունին իրաւունս լինիլ ձեզ հաւասար 'ի Բեթղեհէմ եւ յԱստուածածին, այլ 'ի սէր ձեր փութամ սակաւ իրօք հոճեցուցանել զնոսա. նոյնպէս կոչեալ զՀայս ասէր՝ թէ Յոյնք բնաւ ոչ հաճին ձեռն մխել ձեզ 'ի տեղիսն յայնոսիկ, այլ ես վաստակիմ փոքու իւրիք մասնակից առնել զձեզ, զի կատարեսցին կամք ձեր։ Այսպէս խորամանկութեամբ կամէր որսալ զերկոսին կողմն 'ի չա՛հ անձին իւրոյ։ Նուրի էֆէնտի եւ Ջուխատարն թէ եւ գիտէին զերթեւեկութիւն